

唐書合鈔

唐書卷第一

高祖

高祖神堯大聖光孝皇帝姓李氏諱淵德其先隴西

狄道人涼武昭王暉七代孫也暉生歆歆生重耳仕魏

爲宏農太守重耳生熙爲金門鎮將領豪傑鎮武川因

家焉儀鳳中追尊宣皇帝熙生天錫仕魏爲幢主大統

中贈司空儀鳳中追尊光皇帝皇祖諱虎後魏左僕射

封隴西郡公與周文帝及太保李弼大司馬獨孤信等

以功參佐命當時稱爲八柱國家仍賜姓大野氏周受

禪追封唐國公諡曰襄至隋文帝作相還復本姓武德

初追尊景皇帝廟號太祖陵曰永康皇考諱昞周安州
總管柱國大將軍襲唐國公諡曰仁武德初追尊元皇
帝廟號世祖陵曰興寧高祖以周天和元年生於長安
體有七乳三乳七歲襲唐國公及長倜儻豁達任性真率寬仁容
衆無貴賤咸得其歡心隋受禪補千牛備身文帝獨孤
皇后卽高祖從母也由是特見親愛累轉譙隴岐三州
刺史有史世良者善相人謂高祖曰公骨法非常必爲
人主願自愛勿忘鄙言高祖頗以自負大業初爲滎陽
樓煩二郡太守徵爲殿內少監九年遷衛尉少卿遼東
之役督運於懷遠鎮及楊元感反詔高祖馳驛鎮宏化

郡兼知關右諸軍事

楊元威將反其兄弟從征遼者皆逃歸高祖先覺以聞煬帝遽班師

以高祖爲宏化留守以禦元威

高祖歷試中外素樹恩

德及是結納豪傑衆多款附時煬帝多所猜忌人懷疑

懼會有詔徵高祖詣行在所遇疾未謁時甥王氏在後

宮帝問曰汝舅何遲王氏以疾對帝曰可得死否高祖

聞之益懼因縱酒沉湎納賄以混其迹焉十一年煬帝

幸汾陽宮命高祖往山西河東黜陟討捕師次龍門賊

帥母端兒率衆數千薄於城下高祖從十餘騎擊之所

射七十發皆應弦而倒賊乃大潰

又擊絳州賊柴保昌降其衆數萬人突厥

犯塞高祖與馬邑太守王仁恭擊之隋兵少不敢高祖選精騎二千爲遊軍居處飲食隨水草如突厥而射獵

馳騁示以閒暇別選善射者伏為奇兵虜見
高祖疑不敢戰高祖乘而擊之突厥敗走十二年遷

右驍衛將軍十三年為太原留守郡丞王威武牙郎將

高君雅為副將擊高陽歷山飛賊甄翟兒於西河破之羣賊蜂起江都阻

絕太宗與晉陽令劉文靜首謀勸舉義兵俄而馬邑校

尉劉武周據汾陽宮舉兵反太宗與王威高君雅將集

兵討之高祖乃命太宗與劉文靜及門下客長孫順德

劉宏基各募兵旬日間眾且一萬是時楊帝南遊江都天下盜起高祖子世

民知隋必亡陰結豪傑招納亡命與晉陽令劉文靜謀

舉大事計已決而高祖未之知欲以情告懼不見聽高

祖留守太原領晉陽宮監而所善客裴寂為副監世民

陰與寂謀寂因選晉陽宮人私侍高祖高祖過寂飲酒

酒酣從容寂具以大事告之高祖大驚寂曰正為宮人

奉公事發當誅為此爾世民因亦入白其事高祖初陽

不許欲執世民送官已而許之曰吾愛汝豈忍告汝邪
然未有以發而所在盜賊益多突厥數犯邊高祖兵出
無功煬帝遣使者執高祖詣江都高祖大懼世民曰事
急矣可舉事已而煬帝復馳使者赦止高祖其遂已
是時劉武周起馬邑林士宏起豫章劉元進起晉安皆
稱皇帝朱粲起南陽號楚帝李子通起海陵號楚王邵
江海據岐州號新平王薛舉起金城號西秦霸王郭子
和起榆林號永樂王寶建德起河間號長樂王王須拔
起恒定號漫天王汪華起新安杜伏威起淮南皆號吳
王李密起鞏號魏公王德仁起鄴號太公左才相起齊
郡號博山公羅藝據幽州左難當據涇馮盎據高羅皆
號總管梁師都據朔方號大丞相孟海公據曹州號錄
事周文舉據淮陽號柳葉軍高開道據北平張長慈據
五原周洸據上洛楊士林據山南徐圓朗據兗州楊仲
達據豫州張善相據伊汝王要漢據汴州時德祿據尉
氏李義滿據平陵慕容公順據青萊淳于難據文登徐師
順據任城蔣宏度據東海王薄據齊郡蔣善合據鄆州
田留安據章邱張青特據濟北臧君相據海州殷恭蓬
據舒州周法明據永安苗海潮據永嘉梅知巖據宣城
鄧文進據廣州俚酋楊世畧據循潮冉安昌據巴東寧

長真據鬱林其別號諸盜往往屯聚山澤而劉武周攻汾陽宮高祖乃集將吏告曰今吾爲留守而賊據離宮縱賊不誅罪當死然出兵必待報今江都隔遠後期奈何將吏皆曰國家之利可專者公也高祖曰善乃募兵旬日間得衆一萬

密遣使召世子建成及元吉於河東威君雅

見兵大集恐高祖爲變相與疑懼請高祖祈雨晉祠將爲不利晉陽鄉長劉世龍知之以告高祖高祖陰爲之備五月甲子高祖與威君雅視事太宗密嚴兵於外以備非常遣開陽府司馬劉政會告威等謀反卽斬之以徇遂起義兵

五月甲子高祖及威君雅視事開陽府司馬劉政會告威君雅反卽坐上執之丙寅

突厥犯邊高祖令軍中曰人告威君雅召突厥今其果然遂殺之以起兵甲戌遣劉文靜使

於突厥始畢可汗令率兵相應六月甲申命太宗將兵

徇西河下之癸巳

新書
己卯

建大將軍府并置三軍分爲左

右以世子建成爲隴西公左領大都督左統軍隸焉太

宗爲燉煌公右領大都督右統軍隸焉

元吉爲姑臧
公中軍隸焉

裴

寂爲大將軍府長史劉文靜爲司馬石艾縣長殷開山

爲掾劉政會爲屬長孫順德

王長
諧

劉宏基竇琮等分爲

左右統軍開倉庫以賑窮乏遠近響應秋七月壬子高

祖率兵西圖關中以元吉爲鎮北將軍太原留守癸丑

發自太原有兵三萬

甲寅遣將張綸徇下
離石龍泉文城三郡

丙辰師次靈

石縣營於賈胡堡隋武牙郎將宋老生屯霍邑以拒義

師會霖雨積旬餽運不給高祖命旋師太宗切諫乃止

有白衣老父詣軍門曰余爲霍山神使謁唐皇帝曰八月雨止路出霍邑東南吾當濟師高祖曰此神不欺趙無恤豈負我哉

丙寅隋鷹揚府司馬李軌起武威張大涼王

八月辛巳高祖

引師趨霍邑斬宋老生平霍邑丙戌進下臨汾郡及絳

郡

辛卯克絳郡

癸巳至龍門突厥始畢可汗遣康稍利率兵

五百人馬二千匹與劉文靜會於麾下隋驍衛大將軍屈突通鎮河東津梁斷絕關中向義者頗以爲阻河東水濱居人競進舟楫不謀而至前後數百人九月壬寅馮翊賊帥孫華土門賊帥白元度各率其衆送款并具舟楫以待義師高祖令華與統軍王長諧劉宏基引兵

渡河屈突通遣其武牙郎將桑顯和率衆數千夜襲長
諧義師不利太宗以遊騎數百掩其後顯和潰散義軍
復振丙辰馮翊太守蕭造以郡來降戊午高祖親率衆
圍河東屈突通自守不出乃命攻城不利而還文武將
吏請高祖領太尉加置僚佐從之華陰令李孝常以永
豐倉來降庚申高祖率軍濟河甲子舍於長春宮三秦士
庶至者日以千數高祖禮之咸過所望人皆喜悅丙寅
遣隴西公建成司馬劉文靜屯兵永豐倉兼守潼關以
備他盜太宗率劉宏基長孫順德等前後數萬人自渭
北徇三輔所至皆下高祖從父弟神通起兵鄠縣柴氏

婦舉兵於司竹高祖女也至是並與太宗會郿縣賊帥邱師

利李仲文蓋屋賊帥何潘仁向善師宜君賊劉昊等合衆數萬來

降王申高祖大馮翊乙亥命太宗自渭汭屯兵阿城隴西公建

成自新豐趨霸上丙子高祖率大軍自下邳西上經煬帝

行宮園苑悉罷之宮女放還親屬冬十月辛巳至長樂

宮有衆二十萬京師留守刑部尙書衛文昇右翊衛將

軍陰世師京兆郡丞滑儀挾代王侑以拒義師高祖遣

使至城下諭以匡復之意再三皆不報諸將固請圍城

下今日犯隋七廟及宗室者罪三族丙申隋羅山令蕭銑自稱梁公十一月丙辰攻拔京

城衛文昇先已病死以陰世師滑儀等拒義兵並斬之

命主符郎宋公弼收圖籍約法十二條殺人劫盜背軍叛者死癸亥率百僚備法駕立

代王侑爲天子遙尊煬帝爲太上皇大赦改元爲義寧

甲子隋帝詔加高祖假黃鉞使持節大都督內外諸軍

事大丞相進封唐王總錄萬機以武德殿爲丞相府改

教爲令以隴西公建成爲唐國世子太宗爲京兆尹改

封秦公姑臧公元吉爲齊公隴西公以下新書十二月

癸未隋帝贈唐襄公爲景王仁公爲元王以建成爲唐國世子世民爲唐國內史徙封秦國公元吉爲齊

國丞相府置長史司錄已下官僚金城賊帥薛舉寇扶

風命太宗爲元帥擊之遣趙郡公孝恭招慰山南所至

皆下癸巳太宗大破薛舉之衆於扶風屈突通自潼關

奔東都劉文靜等追擒於閩鄉虜其衆數萬河池太守

蕭瑀以郡降丙午新書甲辰遣雲陽令詹俊武功縣正李仲

衮徇巴蜀下之二年春正月丁未隋帝詔唐王劍履上殿入朝不趨贊拜不名加

前後羽葆鼓吹戊午周洮降戊辰世子建成爲撫寧大將軍東討元

帥太宗爲副總兵七萬徇地東都二月已卯太常卿鄭元璠定樊鄧使

者馬元規徇荆襄清河賊帥竇建德僭稱長樂王案建德傳建德大業十三

年自稱長樂王故建元丁丑隋書煬帝紀同次年稱夏王乃武德元年也此云元年稱長樂王三年稱夏王並

誤吳興人沈法興據丹陽起兵新書在三月已酉齊國

太原道行軍元帥丙辰右屯衛將軍宇文化及弑隋太上皇於

江都宮立秦王浩爲帝自稱大丞相樂安人盧祖尚據光州自稱刺史

徙封太宗爲趙國公

新書乙卯在丙辰上

戊辰隋帝進高祖相國

總百揆備九錫之禮唐國置丞相以下立皇高祖已下

四廟於長安通義里第夏四月

已卯張長憑降

辛卯

新書辛巳

停竹

使符頒銀莧符於諸郡戊戌世子建成及太宗自東都

班師五月乙巳天子詔高祖冕十有二旒建天子旌旗

出警入蹕王后王女爵命之號一遵舊典

甲寅王德仁降

戊午

隋帝詔曰天禍隋國大行太上皇遇盜江都酷甚望夷

豈深驪北憫予小子奄造不愆哀號永感心情糜潰仰

惟荼毒仇復靡申形影相弔罔知啓處相國唐王膺期

命世扶危拯溺自北徂南東征西怨致九合於諸侯決

百勝於千里糾率夷夏大庇吐黎保乂朕躬繫王是賴
德侔造化功格蒼旻兆庶歸心厯數斯在屈爲人臣載
違天命在昔虞夏揖讓相推苟非重華誰堪命禹當今
九服崩離三靈改卜大運去矣請避賢路兆謀布德顧
已莫能私僮命駕須歸藩國予本代王及予而代天之
所廢豈其如是庶憑稽古之聖以誅四凶幸值維新之
恩預充三恪雪冤耻於皇祖守禋祀爲孝孫朝聞夕殞
及泉無恨今遵故事遜於舊邸庶官羣辟改事唐朝宜
依前典趨上尊號若釋重負感泰兼懷假手與人俾除
醜逆濟濟多士明知朕意仍敕有司凡有表奏皆不得

以聞遣使持節兼太保刑部尚書光祿大夫梁郡公蕭
造兼太尉司農少卿裴之隱奉皇帝璽綬於高祖高祖
辭讓百僚上表勸進至於再三乃從之隋帝遜於舊邸
改大興殿爲太極殿甲子高祖卽皇帝位於太極殿命
刑部尚書蕭造兼太尉告於南郊大赦天下改隋義寧
二年爲唐武德元年官人百姓賜爵一級義師所行之
處給復三年其餘給復一年罷郡置州改太守爲刺史丁卯宴
百官於太極殿賜帛有差庚午太白晝見東都留守官共立隋
越王侗爲帝王申命相國長史裴寂等修律令六月甲
戌太宗爲尚書令相國府長史裴寂爲尚書右僕射相

國府司馬劉文靜爲納言隋民部尚書蕭瑀相國府司

錄竇威並爲內史令廢隋大業律令頒新格丙子太白

文志已卯備法駕迎皇高祖宣簡公已下神主祔於太

廟追諡妃竇氏爲太穆皇后陵曰壽安追諡皇高祖曰宣簡公皇曾祖

曰懿王皇祖曰景皇帝廟號太祖祖妣梁氏曰景烈皇

后皇考曰元皇帝廟號世祖妣獨孤氏曰元貞皇后妃

寶氏曰庚辰立世子建成爲皇太子封太宗爲秦王齊

穆皇后國公元吉爲齊王封宗室蜀國公孝基爲永安王柱國

道元爲淮陽王長平公叔良爲長平王鄭國公神通爲

永康王安吉公神符爲襄邑王柱國德良爲新興王幼

良爲長樂王上開府道素爲景陵王上柱國博父爲隴

西王奉慈為渤海王諸州總管加號使持節癸未

新書乙酉

封隋帝為鄴國公

詔曰近世時運遷革前代親族莫不夷絕麻數有歸實惟天命興亡之效

豈伊人力前隋蔡王智積等子孫皆選用之

薛舉寇涇州命秦王為西討元

帥

劉文靜為司馬

征之

太僕卿宇文明達招慰山東

改封永康王神通為淮

安王王辰加秦王雍州牧餘官如故

癸巳禁言符瑞者

辛丑內

史令竇威卒

黃門侍郎陳叔達判納言將作大匠竇抗兼納言

秋七月丙午刑

部尚書蕭造為太子太保追封皇子元霸為衛王西突

厥遣使內附

壬子

秦王與薛舉大戰於涇州我師敗績

乙卯

郭子和降庚申廢隋離宮

八月

壬申劉文靜除名戊寅約功臣恕死罪

壬午

新書辛巳

薛舉

死其子仁杲復僭稱帝

丑巳

命秦王為元帥以討之

甲申巖州

刺史王德仁殺招慰使宇文明達以反

丁亥

新書
庚子

詔曰隋太常卿高潁上

柱國賀若弼並抗節不阿矯枉無撓司隸大夫薛道衡
刑部尙書宇文弼左翊衛將軍董純並懷抱忠義以陷
極刑宜從褒飾以慰泉壤潁可贈上柱國郟國公弼贈
上柱國杞國公各令有司加諡道衡贈上開府臨河縣
公弼贈上開府平昌縣公純贈柱國狄道縣公又詔曰
隋右驍衛大將軍李金才左光祿大夫李敏並鼎族高
門元功世胄橫受屠殺朝野稱冤然李氏將興天祚有
應冥契深隱妄肆誅夷朕受命君臨志存刷蕩申冤旌
善無忘寤寐金才可贈上柱國申國公敏可贈柱國觀

國公又前代酷濫子孫被流者並放還鄉里壬午涼州賊

帥李軌以其地來降拜涼州總管封涼王九月乙巳親

錄囚徒始置軍庫癸丑改銀莢符為銅魚符甲寅秦州總管

戰敗辛未追諡隋太上皇為煬帝宇文化及至魏州鳩

殺秦王浩僭稱天子國號許冬十月壬申朔日有食之

已卯李密率眾來降封皇從父弟襄武公琛為襄武王黃

臺公瑗為廬江王壬午朱粲陷鄆州刺史呂癸巳頒行

傅仁均所造戊寅厯已亥盜殺商州刺史泉彥宗辛丑

大將十一月竇建德敗王須拔於乙巳涼王李軌僭稱

天子於涼州戊申禁獻侏儒短節小已酉以京師穀貴

馬痺牛異獸奇禽者

令四面入關者軍馬牛驢各給課米充其自食秦王大

破薛仁果於淺水原降之隴右平

癸丑行軍總管趙慈景攻蒲州隋刺史堯

君素拒戰執慈景癸亥秦王世民俘薛仁果以獻

詔頒五十三條格以約法緩

刑十二月壬申加秦王太尉陝東道大行臺

丙子蒲州人殺堯君

素立其將王行本

丁丑封上柱國李孝常為義安王

辛巳鄭元璿及朱粲

戰於商州敗之乙酉如周氏陂丁亥至自周氏陂

庚子李密反於桃林行軍總

管盛彥師追討斬之

是歲高開道陷漁陽號燕王

二年春正月乙卯初令文官遭父母喪者聽去職

新書在二

月乙酉甲子黃門侍郎陳叔達兼納言

詔自今正月五月九月不行死刑禁

屠殺丙寅張善相降已巳楊士林降

二月

乙酉初定租庸調法

丙戌詔天下諸宗人

無職任者不在徭役之限每州置宗師一人以相統攝

甲午赦并浩介石四州賈胡堡以北繫囚丁酉竇建德攻宇文化及於聊城

斬之傳首突厥新書在閏月辛丑閏月竇建德陷邢州辛丑劉

武周侵我并州朱粲降王寅皇太子及秦王世民裴寂巡於畿縣乙巳御史大夫段確勞朱粲

於菊潭已酉李密舊將徐世勣以黎陽之眾及河南十郡

降授黎州總管封曹國公賜姓李氏庚戌上微行都邑

以察毗俗即日還宮甲寅賊帥朱粲殺我使散騎常侍

段確奔洛陽新書在四月辛丑。乙卯以穀貴禁關內屠酤左屯衛將軍何潘仁及山賊張子惠

戰於司竹死之丁巳慮囚庚申驍騎將軍趙欽王娒羅及山賊戰於藍屋死之丁卯王世充陷殷州陟州刺史

李育德死之三月甲戌王薄降庚辰蔣宏度徐師順降丁亥竇建德陷趙州丁酉李義滿降

夏四月

蔡公順降庚子并州總管齊王元吉及劉武周戰於榆次敗績乙巳王世充篡越王侗

位僭稱天子國號鄭癸亥陷伊州執總管張善相辛亥李軌為其偽

尚書安興貴新書作安修仁案李軌傳當從新書所執以降河右平新書在五

辰月庚突厥始畢可汗死五月己卯鄯國公薨追崇為隋

帝諡曰恭新書在八月丁酉。癸未曲赦涼甘瓜鄯肅會蘭河廓九州六月王世充殺越王

戊戌令國子學立周公孔子廟四時致祭仍博求其

後庚子竇建德陷滄州癸亥尚書右僕射裴寂為晉州

道行軍總管以討劉武周離石胡劉季真陷石州刺史王儉死之秋七月

壬申置十二軍以關內諸府分隸焉王世充遣其將羅

士信侵我穀州士信率其眾來降西突厥葉護可汗及

高昌並遣使朝貢

徐圓朗降八月甲子竇建德陷洺州執總管袁子幹

九月辛未

賊帥李子通據江都僭稱天子國號吳沈法興據毗陵

僭稱梁王丁丑和州賊帥杜伏威遣使來降授和州總

管東南道行臺尚書令封楚王裴寂與劉武周將宋金

剛戰於介州我師敗績右武衛大將軍姜寶誼死之并

州總管齊王元吉懼武周所逼奔於京師并州陷

庚辰竇建

德陷相州總管呂珉死之辛巳劉武周陷并州

乙未京

師地震

梁師都寇延州鄜州刺史梁禮死之

冬十月己亥

羅藝降

封幽州總

管羅藝為燕郡王賜姓李氏黃門侍郎楊恭仁為納言

表涼州總管遙領納言

殺民部尚書魯國公劉文靜

新書在九月辛未

乙

卯

如華陰赦募
土背軍者

秦王世民討劉武周軍於蒲州為諸軍

聲援王戊劉武周進圍晉州

永安王孝基及工部尚書
獨孤懷恩陝州總管于筠

內史侍郎
唐儉討之

甲子上親祠華岳

是月夏縣人
呂崇茂反

十一月丙子

竇建德陷黎陽盡有山東之地淮安王神通左武侯大

將軍李世勣皆沒於賊十二月丙申永安王孝基工部

尚書獨孤懷恩總管子筠為劉武周將宋金剛掩襲

戰於

下並沒焉甲辰狩於華山

新書同
丙申

壬子大風拔木

三年春正月

己巳獵於渭濱
戊寅王行本降

辛巳幸蒲州命祀舜廟癸

巳至自蒲州甲午李世勣於竇建德所自拔歸國建德

僭稱夏王

誤詳元
年註

二月丁酉京師西南地有聲如山崩

庚子幸華陰

甲寅

工部尚書獨孤懷恩謀反伏誅

辛酉校隰州

總管劉師善謀反伏誅

三月庚午改納言爲侍中內史令爲中書

令給事郎爲給事中癸酉西突厥葉護可汗高昌王麴

伯雅遣使朝貢突厥貢條支巨鳥甲戌內史侍郎封德

彝兼中書令

乙酉

封賊帥劉季真爲彭城王賜姓李氏夏

四月

丙申祠華山

壬寅至自華陰於益州置行臺尚書省

癸卯

禁闕內諸州屠

甲寅加秦王益州道行臺尚書令秦王大破宋

金剛於介州

戰於崔鼠谷敗之辛酉王世充陷鄧州總管雷四郎死之王戌秦王世民及劉武周

戰於浩州敗之

金剛與劉武周俱奔突厥遂平并州僞總管尉

遲敬德尋相以介州降

五月壬午秦王世民屠夏縣

六月壬辰徙封

楚王杜伏威爲吳王賜姓李氏加授東南道行臺尙書

令丙申赦晉隰潞并四州癸卯詔隋帝及其宗室
樞在江都者爲營窆置陵廟以故宮人守之丙午

親錄囚徒封皇子元景爲趙王元昌爲魯王元亨爲鄭

王皇孫承宗爲太原王承道爲安陸王承乾爲恒山王

恪爲長沙王泰爲宜都王己酉出宮女五百人賜東征
將士有功者甲寅顯州長史

田瓚殺行臺尙書令楊士林叛秋七月壬戌命秦王率

附於王世充乙卯瘞州縣暴骨諸軍討王世充甲戌遣皇太子鎮蒲州以備突厥丙申案

月無丙申新書在五年突厥殺劉武周於白道丙戌梁師都導突
厥稽胡寇邊行軍

總管段德操敗之八月庚子慮囚甲辰時德獻降冬十

月庚子新書懷戎賊帥高開道遣使降授蔚州總管封

戊申

北平郡王賜姓李氏己酉楊仲達降己未四星隕於東都十二月己酉瓜州刺史賀拔行

威反

四年春正月丁卯竇建德行臺尚書令胡大恩以大安

鎮來降封定襄郡王賜姓李氏辛巳命皇太子總統諸

軍討稽胡表封德彝判吏部尚書。二月竇建德陷曹州執孟海公己丑車騎將軍董阿興反於隴

州伏誅乙巳太常少卿李仲文謀反伏誅三月徙封宜丙午慮囚丁巳赦代州總管府石嶺之北

都王泰為衛王庚申乙酉竇建德來援王世充攻陷我

管州刺史郭志安死之夏四月壬寅齊王元吉及王世充戰於東都敗績行軍總管盧君諤死

之戊申突厥寇并州執漢陽郡王瓌太常卿鄭元璫左驍騎衛大將軍長孫順德甲寅封皇子

元方為周王元禮為鄭王元嘉為宋王元則為荆王元

茂為越王初置都護府官員

丁巳左武衛大將軍王君廓敗張青特執之。（表）癸

酉裴寂為左僕射案四月無癸酉表誤

五月己未

新書壬戌

秦王大破竇建德

之眾於武牢擒建德河北悉平

乙丑赦山東為建德所誣誤者

丙寅

新書

戊辰王世充舉東都降河南平

庚午周法明降六月庚寅赦河南為王世充所誣誤

者戊戌蔣善合降庚子營州人石世則執其總管晉文衍叛附誅羯乙卯臧君相降

秋七月甲子

秦王凱旋獻俘於太廟丁卯大赦天下

給復天下一年陝鼎函號虞芮

幽七州二年

廢五銖錢行開元通寶錢斬竇建德於市

新書丙寅

當從新書

流王世充於蜀未發為讐人所害甲戌建德餘黨

劉黑闥據漳南反置山東道行臺尚書省於洺州

辛巳戴州

刺史孟噉鬼反伏誅

八月

丙戌朔日有食之丁亥皇太子安撫北境丁酉劉黑闥陷鄆縣魏州刺史權威

貝州刺史戴元祥死之癸卯突厥寇代州執行軍總管
王孝基丁未劉黑闥陷歷亭屯衛將軍王行敏死之辛
亥深州人崔元遜殺其刺
史裴晞叛附於劉黑闥
兖州總管徐圓朗舉兵反以

應劉黑闥僭稱魯王
九月盧祖尚降乙卯淳于難降甲子汪華降是秋夔州總管趙郡王

孝恭率十二總
管兵以討蕭銑
冬十月己丑加秦王天策上將位在王

公上領司徒陝東道大行臺尚書令齊王元吉為司空

庚寅劉黑闥陷瀛州執刺史盧士叡又陷觀
州癸卯毛州人董燈明殺其刺史趙元愷
乙巳趙郡

王孝恭平荊州獲蕭銑
閏月乙卯如稷州己未幸舊野王戊獵於好時乙丑獵於九窰

丁卯獵於仲山戊辰獵於清水谷遂幸
三原辛未如周氏陂壬申至自周氏陂
十一月甲申
有

於南
於洺州置大行臺廢洺州都督府庚寅焚東都紫

微宮乾陽殿會稽賊帥李子通以其地來降
丙申子通謀反伏誅

壬寅劉黑闥陷定州總管李元通死之庚戌杞十二月

州人周文舉殺其刺史王孝矩叛附於黑闥

乙卯黑闥陷冀州總管麴稜死之甲子左丁卯命秦王

武候將軍李世勣及黑闥戰於宋州敗績及齊王元吉討劉黑闥

徙封宋王元嘉爲徐王

五年春正月

乙酉劉黑闥陷相州刺史房晃死之丙戌

史實務本叛附於徐圓朗庚寅東鹽州治丙申劉黑闥

中王才藝殺其刺史田華叛附於劉黑闥

據洺州僭稱漢東王相州人殺其刺史獨孤徹以其州

相州矣此復云相州人殺刺史以叛誤也已酉楊世畧

劉元進降二月王要漢降已巳秦王世民克邢州丁丑

劉黑闥陷洺水總管羅上信死之戊寅汴州三月譚州

刺史李義滿殺丁未秦王破劉黑闥於洺水上盡復所

齊州都督王薄

陷州縣黑闥亡奔突厥蔚州總管北平王高開道叛寇

易州

刺史慕容孝幹死之

夏四月

梁州野蠶成繭冉安昌降

庚戌秦王還京師

高祖迎勞於長樂宮

已未寧長真降戊辰釋流罪以下獲麥

壬申代州總

管定襄郡王李大恩爲虜所敗戰死

戊寅鄧文進降五月田留安降庚寅

瓜州人王幹殺賀拔行威以

六月

辛亥

劉黑闥引突厥寇

山東

車騎將軍元韶爲瓜州道行軍總管以備突厥癸丑吐谷渾寇洮旭疊三州岷州總管李長卿敗之

乙卯淮安郡王神通討徐圓朗

置諫議大夫官員秋七月

甲申作宏義宮

丁亥

吳王伏威來朝

甲午淮陽王道元爲河北道行軍總管討劉黑闥貝州人董該以定州叛附於

黑闥丙申突厥殺劉武周於白道遷州人鄧士政反執其刺史李敬昂

丁酉隋漢陽太守

馮盎以南越之地來降嶺表悉定八月辛亥以洛荆并

幽交五州爲大總管府改封恒山王承乾爲中山王葬

隋煬帝於揚州

甲寅吐谷渾寇岷州益州道行臺左僕射竇軌敗之乙卯突厥寇邊

丙辰

突厥頡利寇鴈門已未進寇朔州遣皇太子及秦王討

擊大敗之

庚申皇太子出幽州道秦王世民出秦州道以禦突厥已丑吐谷渾陷洮州并州總管襄

邑郡王神符及突厥戰於汾東敗之戊寅突厥陷大震

關九月癸巳靈州總管楊師道敗之於三觀山丙申洪

州總管宇文歆又敗之於崇岡壬寅定州總管雙士洛

驃騎將軍魏道仁又敗之於恒山之陽丙午領軍將軍

安興貴又敗之於甘州劉黑闥陷瀛州刺史馬匡

武死之東鹽州人馬君德以其州叛附於黑闥

冬十月已酉遣齊王元吉擊劉黑闥於洺州時山東州縣多

爲黑闥所誘所在殺長吏以應之

癸丑貝州刺史許善

死之甲寅觀州刺史劉君會叛附於黑闥

乙丑行軍總

○表秦王世民領左右十二衛大將軍

管淮陽王道元與黑闥戰於下博道元敗沒己巳林士宏降十

一月庚辰劉黑闥陷滄州甲申命皇太子率兵討劉黑闥丙申幸

宜州簡閱將士癸卯獵於富平北原十二月丙辰校獵於華池新書

作萬壽原。戊午劉黑闥陷恒州刺史王公政死之庚申至自宜州壬申皇太子破

劉黑闥於魏州斬之山東平壬申皇太子及劉黑闥戰於魏州敗之甲戌又敗之

於毛州案新書六年正月葛德威擒黑闥以

六年春正月吳王杜伏威為太子太保己卯黑闥將葛德威執黑闥以

降壬午嶺州人王摩娑反驃騎將軍衛彥討之庚寅徐圓朗陷泗州二月劉黑闥伏誅辛

亥新書校獵於驪山甲戌至三月苗海潮梅知乙未幸

昆明池宴百官乙巳洪州總夏四月己酉吐蕃己未通

義里舊宅改為通義宮

祭元皇帝元貞皇后於舊寢

曲赦京城繫囚

於是置酒高會賜從官帛各有差

辛酉張善安陷孫州執總管王戎丁卯南

州刺史龐孝泰反陷南越州王申封子元璿為蜀王元

慶漢王案高祖諸子無名元璿誤高祖諸王傳霍王元

軌是年封蜀王癸酉以尚書右僕射魏國公裴寂為左

元璿當作元軌侍中觀

僕射中書令宋國公蕭瑀為右僕射

封德彝為中書令

國公楊恭仁為吏部尚書

吏部尚書楊恭仁兼中書令

吐谷渾党項寇河州刺史盧士良敗之癸卯高開道以

秋七月

丙子沙州別駕竇伏明突厥頡利

奚寇幽州長史王說敗之六月丁卯突厥寇朔州總管

寇朔州高滿政敗之已遣皇太子及秦王屯并州以備之八月壬子

東南道行臺僕射輔公祏據丹陽反僭稱宋王

乙遣趙

郡王孝恭及嶺南道大使永康縣公李靖討之丙寅吐

谷渾內附九月丙子突厥退皇太子班師改東都爲洛

州高開道引突厥寇幽州壬辰秦王世民爲江州道行軍元帥丙申渝州人張大智

反冬十月丙午殺廣州都督劉世讓己未幸華陰庚申

白鹿原張大智降壬戌右虞候率杜士十一月壬午張

遠殺高滿政以朔州反丁卯突厥請和十二月

殺黃州總管周法辛卯校獵於沙苑丁酉獵於

明丁亥如華陰乙巳新書以奉義監爲龍躍宮武功

宅爲慶善宮甲寅至自華陰

七年春正月乙酉封高麗王高武爲遼東郡王百濟王

扶餘璋爲帶方郡王新羅王金眞平爲樂浪郡王庚寅鄒州

人鄧同穎殺其刺史李士衡

二月高開道爲部將張金樹所殺以其

地降

新書己未
在丁巳下

丁巳幸國子學親臨釋奠改大總管府

爲大都督府吳王伏威薨三月戊寅廢尚書省六司侍

郎增吏部郎中秩正四品掌選事戊戌趙郡王孝恭大

破輔公祐擒之丹陽平

己亥孝恭殺越
州都督闕稜

夏四月庚子大

赦天下頒行新律令

給復江州道二
年揚越一年

以天下大定詔遭

父母喪者聽終制五月

丙戌造仁智宮於宜州之宜君縣

李世勣討徐圓朗平之

新書六年二月丙寅行軍總管
李世勣敗徐圓朗執之案兩書

徐圓朗傳皆云太宗平劉黑闥進師曹州圓朗窮蹙夜
遁爲野人所殺是在六年二月矣當從新書然兩傳皆

云爲野人所殺而
新紀云執之亦誤

六月辛丑幸仁智宮

王戊慶州都
督楊文幹反秋

七月

已巳突厥寇朔州總管秦武通敗之癸酉慶州人殺楊文幹以降

甲午至自仁智

宮嵩州地震山崩江水咽流

閏月己未秦王世民齊王元吉屯於幽州以備突厥

八月戊辰突厥寇并州京師戒嚴

已巳吐谷渾寇鄯州驃騎將軍彭武傑死

之戊寅突厥寇綏州刺史劉大俱敗之

壬午突厥退

壬辰突厥請和

乙未京師解

嚴

丁酉裴寂使於突厥

冬十月丁卯幸慶善宮

辛未獵於鄯南

癸酉幸終

南山

丙子謁老子廟於圍川

十二月

丁卯如龍躍官

戊辰校獵於

高陵庚午至自慶善宮

太子詹事裴矩檢校侍中

八年春二月己巳

新書癸未

親錄囚徒多所原宥夏四月

甲申

如鄯獵於甘谷

造太和宮於終南山

丙戌至自鄯

六月甲子幸太和

宮突厥寇定州命皇太子往幽州秦王往并州以備突

厥新書在七月丁巳屯蒲州八月并州道總管張公謹

與突厥戰於太谷王師敗績鄆州都督張德政死之中書舍人軍行

司馬溫彥博沒於賊甲申任城郡王道宗及突厥戰於靈州敗之丁亥突厥請和九月

突厥退冬十月辛巳幸周氏陂校獵壬午因幸龍躍宮十

一月辛卯幸宜州獵於西原裴矩罷○庚子講武於同

官縣辛丑改封蜀王元軌為吳王漢王元慶為陳王癸卯加

授秦王中書令齊王元吉侍中天策上將府司馬宇文

士及權檢校侍中表兼太子詹事新紀在庚子十二月辛

酉至自宜州庚辰獵於鳴犢泉辛巳至自鳴犢泉

九年春正月甲寅命州縣修城隍備突厥尚書左僕射

魏國公裴寂爲司空二月庚申加齊王元吉爲司徒戊

寅親祠社稷

壬午有星李於胃
昂丁亥李於卷舌

三月辛卯

新書
庚寅

幸昆明

池

丙午如周氏陂乙卯至自周氏陂丁巳
突厥寇涼州都督長樂郡王幼良收之

夏五月辛巳

新書作四月案六月丁巳朔則
五月不應有辛巳常從新書

以京師寺觀不甚清淨

詔曰釋迦闡教清淨爲先遠離塵垢斷除貪慾所以宏

宣勝業修植善根開導愚迷津梁品庶是以敷演經教

檢約學徒調懺身心捨諸染著衣服飲食咸資四輩自

覺王遷謝像法流行末代陵遲漸以虧濫乃有猥賤之

侶規自尊高浮惰之人苟避徭役妄爲剃度託號出家

嗜慾無厭營求不息出入閭里周旋鬪鬪驅策田產聚

積貨物耕織爲生估販成業事同編戶迹等齊人進違
戒律之文退無禮典之訓至乃親行劫掠躬自穿窬造
作妖訛交通豪猾每罹憲網自陷重刑黥亂眞如傾毀
妙法譬茲稂莠有穢嘉苗類彼淤泥混夫清水又伽藍
之地本曰淨居栖心之所理尙幽寂近代以來多立寺
舍不求閒曠之境唯趨喧雜之方繕采崎嶇棟宇殊拓
錯舛隱匿誘納姦邪或有接延鄺邸鄰近屠酤埃塵滿
室羶腥盈道徒長輕慢之心有虧崇敬之義且老氏垂
化本實沖虛養志無爲遺情物外全眞守一是謂元門
驅馳世務尤乖宗旨朕膺期馭宇興隆教法志思利益

情在護持欲使玉石區分薰蕕有辨長存妙道永固福
田正本澄源宜從沙汰諸僧尼道士女冠等有精勤練
行守戒律者並令大寺觀居住給衣食勿令乏短其不
能精進戒行有闕不堪供養者並令罷遣各還桑梓所
司明爲條式務依法教違制之事悉宜停斷京城留寺
三所觀二所其餘天下諸州各留一所餘悉罷之事竟
不行六月丁巳太庚申秦王以皇太子建成與齊王元
吉同謀害已率兵誅之癸亥詔立秦王爲皇太子總統萬
機大赦天下復浮圖老子法賜爲父後者襲勳爵赤牒
官得爲真免民逋租宿賦己卯太白晝見
庚辰幽州都督廬江郡王瑗反伏誅癸未赦幽州管内
爲瑗所誣誤者七月辛卯楊恭仁罷太子右庶子高士

廉為侍中左庶子房元齡為中書令蕭瑀為尚書左僕射
癸巳字文士及為中書令封德彝為尚書右僕射辛
亥太白晝見甲八月丙辰突厥請和丁巳太白
寅太白晝見八月晝見壬戌吐谷渾請和癸亥新書

甲子詔傳位於皇太子尊帝為太上皇徙居宏義宮改名

大安宮貞觀三年太上皇徙居大安宮貞觀八年三月甲戌高祖諡西

突厥使者於兩儀殿顧謂長孫无忌曰當今蠻夷率服

古未嘗有无忌上千萬歲壽高祖大悅以酒賜太宗太

宗又奉觴上壽流涕而言曰百姓獲安四夷咸附皆奉

遵聖旨豈臣之力於是太宗與文德皇后互進御膳并

上服御衣物一同家人常禮是歲閱武於城西高祖親

自臨視勞將士而還置酒於未央宮三品已上咸侍高

祖命突厥頡利可汗起舞又遣南越酋長馮智戴詠詩
旣而笑曰胡越一家自古未之有也太宗奉觴上壽曰
臣早蒙慈訓教以文道爰從義旗平定京邑重以薛舉
武周世克建德皆上稟睿算幸而剋定三數年間混一
區宇天慈崇寵遂蒙重任今上天垂祐時和歲阜被髮
左袵並爲臣妾此豈臣智力皆由上稟聖算高祖大悅
羣臣皆呼萬歲極夜方罷九年五月庚子高祖大漸下
詔旣殯之後皇帝宜於別所視軍國大事其服輕重悉
從漢制以日易月園陵制度務從儉約是日崩於大安
宮之垂拱前殿年七十

新書七十一案自周天和元年
丙戌至貞觀九年乙未止七十

當從舊書羣臣上諡曰大武皇帝廟號高祖十月庚寅葬於

獻陵高宗上元元年八月改上尊號曰神堯皇帝天寶八載

諡神堯大聖皇帝天寶十三載二月上尊號神堯大聖大光孝

皇帝

史臣曰有隋季年皇圖板蕩荒主燁燎原之焰羣盜發
逐鹿之機殄暴無厭橫流靡救高祖審獨夫之運去知
新主之勃興密運雄圖未伸龍躍而屈已求可汗之援
卑辭答李密之書決神機而速若疾雷驅豪傑而從如
偃草泊謳謠允屬揖讓受終刑名大剗於煩苛爵位不
踰於邁軸由是攫金有耻伏莽知非人懷漢道之寬平

不責高皇之嫚罵然而優柔失斷浸潤得行誅文靜則
議法不從酬裴寂則曲恩太過姦佞由之貝錦嬖幸得
以掇蜂獻公遂間於申生小白寧懷於召忽一旦兵交
愛子矢集申孫匈奴尋犯於便橋京邑咸憂於左袵不
有聖子王業殆哉

贊曰高皇創圖勢若摧枯國運神武家難聖謨言生牀
第禍切肌膚鴟鴞之詠無損於吾

新書贊曰自古受命之君非有德不王自夏后氏以
來始傳以世而有賢有不肖故其爲世數亦或短或
長論者乃謂自后稷至於文武積功累仁其來也遠
故其爲世尤長然考於世本夏商周皆出於黃帝夏
自鯀以前商自契至於成湯其間寂寥無聞與周之
興異矣而漢亦起於亭長叛亡之徒及其興也有天

下皆數百年而後已由是言之天命豈易知哉然考其終始治亂顧其功德有厚薄與其制度紀綱所以維持者何如而其後世或寢以隆昌或遽以壞亂或漸以陵遲或能振而復起或遂至於不可支持雖各因其勢然有德則興無德則絕豈非所謂天命者常不顯其符而俾有國者兢兢以自勉耶唐在周隋之際世雖貴矣然烏有所謂積功累仁之漸而高祖之興亦何異因時而起者歟雖其有治有亂或絕或微然其有天下年幾三百可謂盛哉豈非人厭隋亂而蒙德澤繼以太宗之治制度紀綱之法後世有以憑籍扶持而能永其天命歟

唐書卷第一

唐書卷第二

本紀二

太宗上

太宗文武大聖大廣孝皇帝諱世民高祖第二子也母
曰太穆順聖皇后竇氏隋開皇十八年十二月戊午生
於武功之別館時有二龍戲於館門之外三日而去高
祖之臨岐州太宗時年四歲有書生自言善相謁高祖
曰公貴人也且有貴子見太宗曰龍鳳之姿天日之表
年將二十必能濟世安民矣高祖懼其言泄將殺之忽
失所在因採濟世安民之義以爲名焉太宗幼聰睿元
鑒深遠臨機果斷不拘小節時人莫能測也大業末煬

帝於鴈門爲突厥所圍太宗應募救援隸屯衛將軍雲
定興營將行謂定興曰必賁旗鼓以設疑兵且始畢可
汗舉國之師敢圍天子必以國家倉卒無援我張軍容
令數十里幡旗相續夜則鉦鼓相應虜必謂救兵雲集
望塵而遁矣不然彼衆我寡悉軍來戰必不能支矣定
興從焉師次崞縣突厥候騎馳告始畢曰王師大至由
是解圍而遁及高祖之守太原太宗時年十八有高陽
賊帥魏刁兒自號歷山飛來攻太原高祖擊之深入賊
陣太宗以輕騎突圍而進射之所向皆披靡拔高祖於
萬衆之中適會步兵至高祖與太宗又奮擊大破之時

隋祚已終太宗潛圖義舉每折節下士推財養客羣盜

大俠莫不願効死力

時天下已亂盜賊起知隋必亡乃推財養士結納豪傑長孫順德劉

宏基等皆因事亡命匿之又與晉陽令劉文靜九善文靜坐李密事繫獄太宗夜就獄中見之與圖大事時百姓避賊多人城城中幾萬人文靜爲令久知其豪傑因共部署計已定乃因裴寂告高祖高祖初不許已而許之

及義兵起乃率兵略徇西河克之

斬其郡丞高德儒

拜右領

大都督右三軍皆隸焉封燉煌郡公大軍西上賈胡堡隋將宋老生率精兵二萬屯霍邑以拒義師會久雨糧盡高祖與裴寂議且還太原以圖後舉太宗曰本興大義以救蒼生當須先入咸陽號令天下遇小敵卽班師將恐從義之徒一朝解體還守太原一城之地此爲賊

耳何以自全高祖不納促令引發太宗遂號泣於外聲聞帳中高祖召問其故對曰今兵以義動進戰則必剋退還則必散衆散於前敵乘於後死亡須臾而至是以悲耳高祖乃悟而止八月己卯雨霽高祖引師趣霍邑太宗恐老生不出戰乃將數騎先詣其城下舉鞭指麾若將圍城者以激怒之老生果怒開門出兵背城而陣高祖與建成合陣於城東太宗與柴紹陣於城南老生麾兵疾進先薄高祖而建成墜馬老生乘之高祖與建成軍咸却太宗自南原率二騎馳下峻坂衝斷其軍引兵奮擊賊衆大敗各捨仗而走懸門發老生引繩欲上

遂斬之平霍邑至河東關中豪傑爭走赴義太宗請進
師入關取永豐倉以賑窮乏收羣盜以圖京師高祖稱
善太宗以前軍濟河先定渭北三輔吏民及諸豪猾詣
軍門請自効者日以千計扶老攜幼滿於麾下收納英
俊以備僚列遠近聞者咸自託焉師次於涇陽勝兵九
萬破胡賊劉鷁子并其衆留殷開山劉宏基屯長安故
城太宗自趣司竹賊帥李仲文何潘仁向善志等皆來
會頓於阿城獲兵十三萬長安父老賣牛酒詣軍門者
不可勝紀勞而遣之一無所受軍令嚴肅秋毫無所犯
尋與大軍平京城高祖輔政授唐國內史改封秦國公

會薛舉以勁卒十萬來逼渭濱太宗親擊之大破其衆

追斬萬餘級略地至於隴坻義寧元年十二月復爲右

元帥總兵十萬徇東都及將旋謂左右曰賊見吾還必

相追躡設三伏以待之俄而隋將段達率萬餘人自後

而至度三王陵發伏擊之段達大敗追奔至於城下因

於宜陽新安置熊穀二州戍之而還徙封趙國公高祖

受禪拜尚書令右武侯大將軍進封秦王加授雍州牧

武德元年七月薛舉寇涇州太宗率衆討之不利而旋

太宗有疾諸將爲舉所敗八月太宗疾間復屯於高墪城九月薛舉死其子仁杲嗣

立太宗又爲元帥以擊仁杲相持於折墪城新書作高墪深

溝高壘者六十餘日賊衆十餘萬兵鋒甚銳數來挑戰
太宗按甲以挫之賊糧盡其將牟君才梁胡郎來降太
宗謂諸將軍曰彼氣衰矣吾當取之遣將軍龐玉先陣
於淺水原南以誘之賊將宗羅睺併軍來拒玉軍幾敗
旣而太宗親御大軍奄自原北出其不意羅睺望見復
迴師相拒太宗將驍騎數十入賊陣於是王師表裏齊
奮羅睺大潰斬首數千級投澗谷而死者不可勝計太
宗率左右二十餘騎追奔直趣折墪以乘之仁杲大懼
嬰城自守將夕大軍繼至四面合圍詰朝仁杲請降俘
其精兵萬餘人男女五萬口旣而諸將奉賀因問曰始

大王野戰破賊其主尙保堅城王無攻具輕騎騰逐不待步兵徑薄城下咸疑不克而竟下之何也太宗曰此以權道迫之使其計不暇發以故克也羅睺恃往年之勝兼復養銳日久見吾不出意在相輕今喜吾出悉兵來戰雖擊破之擒殺蓋少若不急躡還走投城仁杲收而撫之則便未可得矣且其兵衆皆隴西人一敗披退不及迴顧散歸隴外則折塲自虛我軍隨而迫之所以懼而降也此可謂成算諸君盡不見邪諸將曰此非凡人所能及也獲賊兵精騎甚衆還令仁杲兄弟及賊帥宗羅睺翟長孫等領之太宗與之游獵馳射無所間然

賊徒荷恩懾氣咸願効死時李密初附高祖令密馳傳

迎太宗於幽州密見太宗天姿神武軍威嚴肅驚悚歎

服私謂殷開山曰眞英主也不如此何以定禍亂乎凱

旋獻捷於太廟拜太尉

右武侯大將軍

陝東道行臺尙書令鎮

長春宮關東兵馬並受節度尋加左武侯大將軍涼州

總管宋金剛之陷滑州也兵鋒甚銳高祖以王行本尙

據蒲州呂崇茂反於夏縣晉滑二州相繼陷沒關中震

駭乃手敕曰賊勢如此難與爭鋒宜棄河東之地謹守

關西而已太宗上表曰太原王業所基國之根本河東

殷實京邑所資若舉而棄之臣竊憤恨願假精兵三萬

必能平殄武周克復汾晉高祖於是悉發關中兵以益之又幸長春宮親送太宗二年十一月太宗率衆趣龍門關履冰而渡之進屯柏壁與賊將宋金剛相持尋而永安王孝基敗於夏縣于筠獨孤懷恩唐儉並爲賊將尋相尉遲敬德所執將還滄州太宗遣殷開山秦叔寶邀之於美良川大破之相等僅以身免悉虜其衆復歸柏壁於是諸將咸請戰太宗曰金剛懸軍千里深入吾地精兵驍將皆在於此武周據太原專倚金剛以爲捍士卒雖衆內實空虛意在速戰我堅營蓄銳以挫其鋒糧盡計窮自當遁走三年二月金剛竟以衆餒而遁太

宗追之至介州金剛列陣南北七里以拒官軍太宗遣
總管李世勣程璿金秦叔寶當其北翟長孫秦武通當
其南諸軍戰小却爲賊所乘太宗率精騎擊之衝其陣
後賊衆大敗追奔數十里太宗追之一日夜馳二百里宿於雀鼠谷之西原軍士皆
飢太宗不食者二日行至涪州乃得食敬德尋相率衆八千來降還令敬

德督之與軍營相參屈突通懼其爲變驟以爲請太宗

曰昔蕭王推赤心置人腹中並能畢命今委任敬德又

何疑也於是劉武周奔於突厥

其將楊伏念舉并州降

并汾悉復

舊地詔就軍加拜益州道行臺尚書令七月總率諸軍
攻王世充於洛邑師次穀州世充率精兵三萬陣於慈

澗太宗以輕騎挑之時衆寡不敵陷於重圍左右咸懼
太宗命左右先歸獨留後殿世充驍將軍雄信數百騎
夾道來逼交槍競進太宗幾爲所敗太宗左右射之無
不應弦而倒獲其大將燕頤世充乃拔慈澗之鎮歸於
東都太宗遣行軍總管史萬寶自宜陽南據龍門劉德
威自太行東圍河內王君廓自洛口斷賊糧道又遣黃
君漢夜從孝水河中下舟師襲迴洛城克之黃河已南
莫不響應城堡相次來降大軍進屯邙山九月太宗以
五百騎先觀戰地卒與世充萬餘人相遇會戰復破之
斬首三千餘級獲大將陳智畧世充僅以身免其所署

筠州總管楊慶遣使請降遣李世勣率師出轅轅道安撫其衆滎汴洧豫九州相繼來降世充遂求救於竇建德四年二月又進屯青城宮營壘未立世充衆二萬自方諸門臨穀水而陣太宗以精騎陣於北邨山令屈突通率步卒五千渡水以擊之因誡通曰待兵交卽放煙吾當率騎軍南下兵纔接太宗以騎衝之挺身先進與通表裏相應賊衆殊死戰散而復合者數焉自辰及午賊衆始退縱兵乘之俘斬八千人於是進營城下世充不敢復出但嬰城自守以待建德之援太宗遣諸軍掘塹匝布長圍以守之吳王杜伏威遣其將陳正通徐召

宗率精兵二千來會於軍所僞鄭州司馬沈悅以武牢
降將軍王君廓應之擒其僞荆王王行本會竇建德以
兵十餘萬來援世充至於酸棗蕭瑀屈突通封德彝皆
以腹背受敵恐非萬全請退師穀州以觀之太宗曰世
充糧盡內外離心我當不勞攻擊坐收其敝建德新破
孟海公將驕卒情吾當進據武牢扼其襟要賊若冒險
與我爭鋒破之必矣如其不戰旬日間世充當自潰若
不速進賊入武牢諸城新附必不能守二賊併力將若
之何通又請解圍就險以候其變太宗不許於是留通
輔齊王元吉以圍世充親率步騎三千五百人趣武牢

建德自滎陽西上築壘於板渚太宗屯武牢相持二十餘日諜者曰建德伺官軍芻盡候牧馬於河北因將襲武牢太宗知其謀遂牧馬河北以誘之詰朝建德果悉衆而至陳兵汜水世充將郭士衡陣於其南縣亘數里鼓譟諸將大懼太宗將數騎昇高邱以望之謂諸將曰賊起山東未見大敵今度險而囂是無政令逼城而陣有輕我心我按兵不出彼迺氣衰陣久卒飢必將自退追而擊之無往不克吾與公等約必以午時後破之建德列陣自辰至午兵士饑倦皆坐列又爭飲水逡巡斂退太宗曰可擊矣親率輕騎追而誘之衆繼至建德迺

師而陣未及整列太宗先登擊之所向皆靡俄而衆軍
合戰鬪塵四起太宗率史大奈程薊金秦叔寶宇文歆
等揮幡而入直突出其陣後張我旗幟賊顧見之大潰
追奔三十里斬首三千餘級虜其衆五萬生擒建德於
陣太宗數之曰我以干戈問罪本在王世充得失存亡
不預汝事何故越境犯我兵鋒建德股慄而言曰今若
不來恐勞遠取高祖聞而大悅手詔曰隋氏分崩峭函
隔絕兩雄合勢一朝清蕩兵旣克捷更無死傷無媿爲
臣不憂其父並汝功也乃將建德至東都城下世充懼
率其官屬二千餘人詣軍門請降山東悉平太宗入據

宮城令蕭瑀竇軌等封守府庫一無所取令記室房元齡收隋圖籍於是誅其同惡段達等五十餘人枉被囚禁者悉釋之非罪誅戮者祭而誄之大饗將士班賜有差高祖令尙書左僕射裴寂勞於軍中六月凱旋太宗親披黃金甲陳鐵馬一萬騎甲士三萬人前後部鼓吹俘二僞主及隋氏器物輦輅獻於太廟高祖大悅行飲至禮以享焉高祖以自古舊官不稱殊功乃別表徽號用旌勲德十月加號天策上將陝東道大行臺位在王公上增邑二萬戶通前三萬戶賜金輅一乘衮冕之服玉璧一雙黃金六千斤前後部鼓吹及九部之樂班劍

四十人於時海內漸平太宗乃銳意經籍開文學館以待四方之士行臺司勳郎中杜如晦等十有八人爲學士每更直閣下降以溫顏與之討論經義或夜分而罷未幾竇建德舊將劉黑闥舉兵反據洺州十二月太宗總戎東討五年正月進軍肥鄉分兵絕其糧道相持兩月黑闥窘急求戰率步騎二萬南渡洺水晨壓官軍太宗親率精騎擊其馬軍破之乘勝蹂其步卒賊大潰斬首萬餘級先是太宗遣堰洺水上流使淺令黑闥得渡及戰乃令決堰水大至深丈餘賊徒旣敗赴水者皆溺死焉黑闥與二百餘騎北走突厥悉虜其衆河北平

初黑

闔既降已而後反高祖怒命太子建成取山東男子十五以上悉阬之毆其小弱婦女以實關中太宗切諫以爲不可時徐圓朗阻兵徐究太宗迴師討平之於是河

濟江淮諸郡縣皆平十月加左右十二衛大將軍七年

秋突厥頡利突利二可汗自原州入寇

太宗與遇於幽州從百騎與其

可汗語乃盟而去

侵擾關中有說高祖云祇爲府藏子女在京

師故突厥來若燒却長安而不都則胡寇自止高祖乃

遣中書侍郎宇文士及行山南可居之地卽欲移都蕭

瑀等皆以爲非然終不敢犯顏正諫太宗獨曰霍去病

漢庭之將帥耳猶且志滅匈奴臣忝備藩維尙使胡塵

不息遂令陛下議欲遷都此臣之責也幸乞聽臣一申

微効取彼頡利若一兩年間不係其頸徐建移都之策
臣當不敢復言高祖怒仍遣太宗將三十餘騎行剗還
日固奏必不可移都高祖遂止八年加中書令九年皇
太子建成齊王元吉謀害太宗六月四日太宗率長孫
无忌尉遲敬德房元齡杜如晦宇文士及高士廉侯君
集程知節秦叔寶段志元屈突通張士貴等於元武門
誅之甲子

新書高祖
紀癸亥

立爲皇太子庶政皆斷決太宗乃

縱禁苑所養鷹犬并停諸方所進珍異政尙簡肅天下
大悅又令百官各上封事備陳安人理國之要己巳令
曰依禮二名不偏諱近代以來兩字兼避廢闕已多率

意而行有違經典其官號人名公私文籍有世民兩字
不連續者並不須諱罷幽州大都督府辛未廢陝東道
大行臺置洛州都督府廢益州道行臺置益州大都督
府壬午幽州大都督廬江王瑗謀逆廢爲庶人乙酉罷
天策府七月壬辰太子左庶子高士廉爲侍中右庶子
房元齡爲中書令尚書右僕射蕭瑀爲尚書左僕射吏
部尚書楊恭仁爲雍州牧太子左庶子長孫无忌爲吏
部尚書右庶子杜如晦爲兵部尚書太子詹事宇文士
及爲中書令封德彝爲尚書右僕射八月癸亥新書高
甲子
祖傳位於皇太子太宗卽位於東宮顯德殿遣司空魏

國公裴寂柴告於南郊大赦天下武德元年以來責情
流配者並放還文武官五品已上先無爵者賜爵一級

六品已下加勲一轉天下給復一年

免關內及蒲芮虞
秦陝鼎六州二歲

租民八十以上賜粟帛百歲加
版授廢潼關以東瀕河諸關

癸酉放掖庭宮女三千

餘人甲戌突厥頡利突利寇涇州乙亥突厥進寇武功
京師戒嚴丙子立妃長孫氏爲皇后己卯突厥寇高陵
辛巳行軍總管尉遲敬德與突厥戰於涇陽大破之斬
首千餘級癸未突厥頡利至於渭水便橋之北遣其酋
帥執失思力入朝爲覘自張形勢太宗命囚之親出元
武門馳六騎幸渭水上與頡利隔津而語責以負約俄

而衆軍繼至頡利見軍容旣盛又知思力就拘由是大
懼遂請和詔許焉卽日還宮乙酉又幸便橋與頡利刑
白馬設盟突厥引退九月丙戌頡利獻馬三千疋羊萬
口帝不受令頡利歸所掠中國戶口丁未引諸衛騎兵
統將等習射於顯德殿庭謂諸將已下曰自古突厥與
中國更有盛衰若軒轅善用五兵卽能北逐獯鬻周宣
驅馳方召亦能制勝太原至漢晉之君逮於隋代不使
兵士素習干戈突厥來侵莫能抗禦致遺中國生民塗
炭於寇手我今不使汝等穿池築苑造諸淫費農民恣
令逸樂兵士唯習弓馬庶使汝鬪戰亦望汝前無橫敵

於是每日引數百人於殿前教射帝親自臨試射中者
隨賞弓刀布帛朝臣多有諫者曰先王制法有以兵刃
至御所者刑之所以防萌杜漸備不虞也今引裨卒之
人彎弧縱矢於軒陛之側陛下親在其間正恐禍出非
意非所以爲社稷計也上不納自是後士卒皆爲精銳
王子詔私家不得輒立妖神妄設淫祀非禮祠禱一皆
禁絕其龜易五兆之外諸雜占卜亦皆停斷長孫无忌
封齊國公房元齡邢國公尉遲敬德吳國公杜如晦蔡
國公侯君集潞國公冬十月丙辰朔日有食之癸亥立
中山王承乾爲皇太子癸酉裴寂食實封一千五百戶

長孫无忌王君廓尉遲敬德房元齡杜如晦一千三百
戶長孫順德柴紹羅藝趙郡王孝恭一千二百戶侯君
集張公謹劉師立一千戶李世勣劉宏基九百戶高士
廉宇文士及秦叔寶程知節七百萬戶安興貴安修仁唐
儉寶軌屈突通蕭瑀封德彝劉義節六百戶錢九隴樊
世興公孫武達李孟嘗段志元龐卿惲張亮李藥師杜
淹元仲文四百戶張長遜張平高李安遠李子和秦行
師馬三寶三百戶庚辰蕭瑀
陳叔達罷十一月庚寅降宗室封郡
王者並爲縣公十二月癸酉親錄囚徒是歲封子長沙
王恪爲漢
王宜陽郡王
貼爲楚王新羅龜茲突厥高麗百濟党項並遣使朝

貢

貞觀元年春正月乙酉改元辛丑燕郡王李藝據涇州

反尋為左右所斬傳首京師庚午案正月無以僕射竇軌

為益州大都督案軌傳武德三年拜益州道行臺左僕射九年行臺廢即授益州大都督貞觀

元年徵為右衛大將軍非是年以僕射拜益州也疑屬去年文錯簡於此○二月丁巳詔民男二十女十五以

上無夫家者州縣以禮聘娶貧不能自行者鄉里富人及親戚資送之鰥夫六十寡婦五十婦人有子若守節

者勿三月癸巳皇后親蠶尚書左僕射宋國公蕭瑀為

太子少師丙午詔齊故尚書僕射崔季舒給事黃門侍

郎郭遵尚書右丞封孝琰等昔仕鄴中名位通顯志存

忠讜抗表極言無救社稷之亡遂見龍逢之酷其季舒

子剛遵子雲孝琰子君遵並以門遭時譴淫刑濫及宜

從褒獎特異常倫可免內侍量才別叙閏月癸丑朔夏

四月癸巳涼州都督長樂王幼良有罪伏誅五月癸丑

侍中朝堂受訟辭有陳事者悉上封六月辛巳新書尚書右僕射密國公

封德彝薨壬辰新書太子少保當作宋國公蕭瑀爲尚

書左僕射是夏山東諸州大旱令所在賑恤無出今年

租賦秋七月壬子吏部尚書齊國公長孫无忌爲尚書

右僕射八月戊戌貶侍中義興郡公高士廉爲安州大

都督戶部尚書裴矩卒宇文士及檢校涼州都督是月關東及河南

隴右沿邊諸州霜害秋稼九月庚戌朔日辛酉命中書

侍郎溫彥博尚書右丞魏徵等分往諸州賑恤中書令

郢國公宇文士及爲殿中監御史大夫檢校吏部尚書

參預朝政安吉郡公杜淹署位

辛未幽州都督王君廓奔於突厥十月丁酉以

歲饑減膳十一月己未許子弟年十九以下隨父兄之官所

十二月壬午上謂侍臣

曰神仙事本虛妄空有其名秦始皇非分愛好遂爲方

士所詐乃遣童男女數千人隨徐福入海求仙藥方士

避秦苛虐因留不歸始皇猶海側踟躕以待之還至沙

邱而死漢武帝爲求仙乃將女嫁道術人事旣無驗便

行誅戮據此二事神仙不煩妄求也尚書左僕射宋國

公蕭瑀坐事免戊申利州都督義安王孝常右武衛將

軍劉德裕等謀反伏誅是歲關中饑至有鬻男女者

二年春正月辛亥尚書右僕射齊國公長孫无忌爲開

府儀同三司

兵部尚書杜如晦檢校侍中總監東宮兵馬事癸丑吐谷澤寇岷州都督李道彥敗

之丁巳徙封漢王恪爲蜀王衛王泰爲越王楚王祐爲

燕王復置六侍郎副六尚書事并置左右司郎中各一

人前安州大都督趙王元景爲雍州牧蜀王恪爲益州

大都督越王泰爲揚州大都督

庚午刑部尚書李靖檢校中書令

二月

丙戌鞞鞞內屬

戊寅外官上考者給祿

三月戊申朔日有食之

子王

命中書門下五品以上及尚書議決死罪壬戌李靖爲關內道行軍大總管以備薛延陀

丁卯

新書己巳

遣御史大夫杜淹巡關內諸州出御府金寶贖男女自

唐書二
賣者還其父母庚午

以旱蝗責躬

大赦天下

癸酉雨

夏四月己

卯詔骸骨暴露者令所在埋瘞丙申契丹內屬初詔天

下州縣並置義倉

壬寅

夏州賊帥梁師都爲其從父弟洛

仁所殺以城降五月大雨雹

五行志無

六月

甲申詔出使官稟食其家

庚

寅皇子治生宴五品以上賜帛有差仍賜天下是日生

者粟辛卯上謂侍臣曰君雖不君臣不可以不臣裴虔

通煬帝舊左右也而親爲亂首朕方崇獎敬義豈可猶

使宰民訓俗詔曰天地定位君臣之義以彰卑高旣陳

人倫之道斯著是用篤厚風俗化成天下雖復時經治

亂主或昏明疾風勁草芬芳無絕剖心焚體赴蹈如歸

夫豈不愛七尺之軀重百年之命諒由君臣義重名教
所先故能明大節於當時立清風於身後至如趙高之
殞二世董卓之鳩宏農人神所疾異代同憤況凡庸小
豎有懷凶悖遐觀典策莫不誅夷辰州刺史長蛇縣男
裴虔通昔在隋代委質晉藩煬帝以舊邸之情特相愛
幸遂乃志茂君親潛圖弑逆密伺間隙招結羣醜長戟
流矢一朝竊發天下之惡孰云可忍宜其夷宗焚首以
彰大戮但年代異時累逢赦令可特免極刑除名削爵
遷配驩州秋七月戊申詔萊州刺史牛方裕絳州刺史
薛世良廣州都督府長史唐奉義隋武牙郎將高元禮

並於隋代俱蒙任用乃協契字文化及構成弑逆宜依
裴虔通除名配流嶺表太宗謂侍臣曰天下愚人好犯
憲章凡赦宥之恩唯及不軌之輩古語曰小人之幸君
子之不幸一歲再赦好人喑啞凡養稂莠者傷禾稼惠
姦宄者賊良人昔文王作罰刑茲無赦又蜀先主嘗謂
諸葛亮曰吾周旋陳元方鄭康成間每見啟告理亂之
道備矣曾不語赦也夫小人者大人之賊故朕有天下
已來不甚放赦今四海安靜禮義興行非常之恩施不
可數將恐愚人常冀僥倖唯欲犯法不能改過裴房元
齡兼太
子詹八月甲戌朔幸朝堂親覽冤屈自是上以軍國無
事

事每日視膳於西宮癸巳公卿奏曰依禮季夏之月可
以居臺榭今隆暑未退秋霖方始宮中卑溼請營一閣
以居之帝曰朕有氣病豈宜下溼若遂來請糜費良多
昔漢文帝將起露臺而惜十家之產朕德不逮於漢帝
而所費過之豈謂爲民父母之道也竟不許

辛丑立二王後廟置

國是月河南河北大霜人饑

新書五行志作三年

九月丙午詔曰

尙齒重舊先王以之垂範還章解組朝臣於是克終釋
菜合樂之儀東膠西序之制養老之義遺文可覩朕恭
膺大寶憲章故實乞言尊事彌切深衷然情存今古世
踵澆季而策名就列或乖大體至若筋力將盡桑榆且

迫徒竭夙興之勤未悟夜行之罪其有心驚止足行堪
激勵謝事公門收骸閭里能以禮讓固可嘉焉内外文
武羣官年高致仕抗表去職者參朝之日宜在本品見
任之上丁未謂侍臣曰婦人幽閉深宮情實可憫隋氏
末年求採無已至於離宮別館非幸御之所多聚宮人
皆竭人財力朕所不取且灑埽之餘更何所用今將出
之任求伉儷非獨以惜費亦人得各遂其性於是遣尚
書左丞戴胄給事中杜正倫等於掖庭宮西門簡出之
壬子以有年賜酺三日冬十月庚辰御史大夫安吉郡公杜淹卒
戊子殺瀛州刺史盧祖尚十一月辛酉有事於圜丘十

二月壬午

新書
壬辰

黃門侍郎王珪爲

新書
守

侍中

癸巳禁五
品以上過

市

三年春正月

丙午以旱
避正殿

辛亥契丹渠帥來朝

癸丑官得
上下考者

給祿
一年

戊午謁太廟癸亥親耕籍田辛未司空魏國公裴

寂坐事免二月戊寅中書令邢國公房元齡爲尚書左

僕射兵部尚書檢校侍中蔡國公杜如晦爲尚書右僕

射刑部尚書檢校中書令永康縣公李靖爲兵部尚書

右丞魏徵守祕書監參預朝政

三月己酉
慮四

夏四月辛巳

新書

乙亥太上皇徙居大安宮甲午太宗始於太極殿聽政

戊戌

賜孝義之家粟五斛八十以上二斛九十以上三
斛百歲加絹二疋婦人正月以來產子者粟一斛

五月

周王元方薨六月戊寅以早親錄囚徒遣長孫无忌

房元齡等祈雨於名山大川中書舍人杜正倫等往關

內諸州慰撫令文武官各上封事極言得失己卯大風

折木五行志無秋八月己巳朔日有食之薛延陀遣使朝貢

九月癸丑諸州置醫學丁巳華州刺史柴紹為勝州道行軍總管以伐突厥冬十

一月丙午西突厥高昌遣使朝貢庚申以并州都督李

世勣為通漢道當從李勣傳作通漢行軍總管華州刺史柴紹為金河道行軍總管

任城郡王道宗為大同道行軍總管幽州都督衛孝節為恒安道行軍總管營州都督薛萬徹為暢武道行軍

總管以伐突厥兵部尚書李靖為定襄道行軍總管以擊突厥

新書在八月十二月戊辰突利可汗來奔癸未杜如晦以

月丁亥

疾辭位許之

閏月

癸丑詔建義已來交兵之處爲義士勇

夫殞身戎陣者各立一寺命虞世南李伯藥褚亮顏師

古岑文本許敬宗朱子奢等爲之碑銘以紀功業

辛酉
慮四

是歲戶部奏言中國人自塞外來歸及突厥前後內附
開四夷爲州縣者男女一百二十餘萬口

唐書卷第二